

Mazarin
2687

Paraphrase svr le bref
de sa saintete

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
2687

UNIVERSITY OF N.C. AT CHAPEL HILL



00023007666

2687
PARAPHRASE
SVR LE BREF

DE SA

SAINCTETE
ENVOYE A LA REYNE
REGENTE MERE DV ROY.

TOUCHANT SA RECONCILIATION
*Avec plusieurs des plus signalez de son Royaume,
& le soulagement de son peuple.*

EN VERS BURLESQVES.



A PARIS,
Chez CLAVDE MORLOT, rue de la Bucherie, 'aux
vieilles Estuues.

M. DC. XLIX.

PARAPHERASIA

AND THE

STANDARD

OF THE

ART

OF THE

ART





PARAPHRASE SVR LE BREF DE
sa Saincteté, enuoyé à la Reyne Regente Mere
du Roy, touchant sa reconciliation avec
plusieurs des plus signalez de son
Royaume, & le soulagement
de son peuple.

En Vers Burlesques.

GRande Reyne vostre merite
Auecque ma charge m'excite,
De vous enuoyer par escrit
Ce qui me tourmente l'esprit,
Lorsque i'appris cette nouuelle
Que vous auiez pris la querelle
De mon Cardinal Mazarin
Ie deuens d'abord toutchagrin
Preuoyant bien que par sa faute
Et sa superbe vn peu trophaute,
La France souffriroit à tort
Si vous secondiez son effort.
Le mal qu'elle souffre m'aflige
Et son iuste interest m'oblige,
De vous dépeindre ses humeurs
Du Mazarin avec ses mœurs.

Et par ce seul moyen i'espere
 Vous porter à vous en défaire.
 Il estoit encor ieune enfant
 Qu'il tranchoit de son elefant,
 Pour l'excès de son arrogance
 Non pas pour sa rare puissance:
 Car il n'a n'y force n'y cœur
 Remply de haine & de rencœur
 Pour les personnes de merite
 Et qui viuent dans la conduite,
 Il n'ignore pas que son sang
 Ne luy donne le dernier rang,
 Entre les peuples de Cicille
 C'est le cōmun bruit de la ville,
 Son flegme tāt humide & froid
 Luy represente qu'il a droit,
 Et luy fait vn tableau des nuës
 De ses puissances incognuës,
 Il le fait voguer sur la Mer
 Avec crainte de s'abyssmer:
 Tantost luy suggere vn refuge
 Afin d'éuiter vn deluge,
 Son flegme se monstre si grand
 Que souuent insensé le rend,
 Sa terrestre melancholie
 Qui fait que son cerueau se plie:
 Et garde l'ordre du croissant

Rend

Rend son esprit si languissant,
Que s'il n'estoit le ieux des cartes,
Il seroit au nombre des parties.
Qui s'estimoient des loups garroux
Tant ils estoient deuenus fous,
Cette humeur si sombre & maligne
Fait qu'il a d'horreur pour la vigne,
Et par sa grossiere vapeur
Il l'oblige d'estre pipeur,
Et bien souuent il luy figure
Les monstres qui sont en nature,
Après luy fait voir sur les eaux
Des batailles & des tombeaux,
En vn mot sa melancholie,
Luy cause vn excez de folie
Il faudroit les plus grands rimeurs
Pour bien vous descrire ses mœurs,
Qui paroissent bien plus diuerfes
Que ne sont les habits des Perfes,
Il tranche du grand mesnager
Il n'ose pas se voir manger,
Son dessein est d'estre oeconome
aussi bon que valet à Rome,
Quelque-fois il est liberal
Et principalement du mal
Qu'il distribue avec largesse,
Mais il espargne sa richesse

Autresfois il paroist deuot
Où pour mieux dire il est bigot,
Il fait semblant d'auoir dans l'ame
Plus d'amour de dieu que du blâme
Bien souuent il fait l'esprit fort
En apres vous diriez qu'il dort,
Il faut le doux, il fait l'affable
Le rigoureux, l'insupportable
Tantost il parroit Courtisant
Dans son langage bien disant
Soudain il fait le magnifique
Et le minister Politique,
Il suit en ses humeurs cleon
En ses mœurs le Cameleon,
Qui l'oblige d'estre Poëte
Ministre d'Estat interprete
Il seroit fort bon orateur
S'il n'estoit pas si grand menteur,
Au grand iamais il ne s'hazarde
De dire vray que par mesgarde,
Il est plus meschant qu'une mulle
Et le plus grand dissimule,
Qui soit sorti de sa contrée
Ie ne sçay pas comment l'entrée
Il peut auoir dedans Paris?
Madame, ie ne vous escrirs
Sa vie par ma paraphrase

Que par le desir qui membrase
De vous porter d'auoir horreur
Pour c'est homme remply d'erreur
Ie ne puis que ie ne vous die
Que le Parlement remedie
Aux maux que luy pourroiet venir
Lors qu'il ne veut plus maintenir,
Le Mazarin dont la malice
Sous pretexte de son office
Auroit discipé vos Estats
Et mis vos François au trespas.
Grande Reine ie vous supplie
Que pour vn homme d'Italie,
Vostre Empire ne souffre plus
Tant de ses mal-heureux reflex,
Vostre pleuple vous y conuie
Qui finiroit pour vous sa vie
Tant il à pour vous de l'Amour,
Il ne veut que vostre retour
Dans l'enceinte de sa patrie,
Et pour ce subiet il vous crie
Et vous prie tres-humblement
D'agrées que l'éloignement
De Mazarin se precipite,
Et qu'il retourne à Rome vite
Le Pape avec grand appareil
Le receura fort de bon œil,

Pourueu qu'il face penitence
 Des maux qu'il à fait dās la France.
 Grande Reine que la pitié
 Vous fasse monstrier lamitié,
 Que vous deuez auoir conceüe
 Pour vostre peuple qui ne suë,
 Et ne dresse à Dieu tant de cris
 Que pour vous reuoir dans Paris.

F I N.

